

CRITERIOS DE CUALIFICACIÓN

→ NOTA DE CADA AVALIACIÓN

O cálculo da nota de cada avaliación realizarase do seguinte xeito:

- **80%** corresponderá á media aritmética ou ponderada das **probos escritas**. Realizaranse un mínimo de dúas.

- **20%** corresponderá á puntuación obtida na valoración do **traballo individual** da alumna ou alumno, representado no caderno de traballo, actividades propostas entregadas, realización de controis, observacións realizadas na aula, etc ... decididas polo docente de cada grupo.

Se o alumno ou alumna presenta correctamente e en prazo un traballo relativo a un tema proposto, poderá ver incrementada a súa nota ata un máximo de 0,5 puntos. Cómpre resaltar o carácter voluntario deste traballo.

A cualificación así calculada redondearase á unidade, quedando a avaliación superada se esta é igual ou superior a 5.

→ NOTA DA AVALIACIÓN FINAL

Calcularase a **media ponderada** das tres avaliacións cos seguintes pesos: **40%, 30% e 30%** respectivamente. A nota da materia será o resultado de redondear dita media á unidade.

Para o alumnado con nota igual ou maior a 5, a materia queda superada.

CRITERIOS DE RECUPERACIÓN

→ DE CADA AVALIACIÓN

Para o alumnado que non supere unha avaliación aplicaráselle medidas de reforzo educativo e ofertarase a **realización de actividades de reforzo e unha proba escrita** ó inicio da avaliación seguinte. Dita proba pesará un **80%** e o **20%** restante calcularase tendo en conta a realización das actividades propostas e o traballo individual amosado polo alumno. A nota da avaliación a recuperar substituirase pola así calculada.

→ RECUPERACIÓN GLOBAL DA MATERIA

As alumnas e alumnos que teñan algunha avaliación suspensa e ó facer a media ponderada das tres non superase a materia, poderá recuperar de novo a/as avaliación/s non superadas do xeito descrito no apartado anterior.

A nova cualificación obtida substituirá á nota de ditas avaliacións e recalculase a cualificación na materia.

No caso que estivesen as tres avaliacións non superadas a proba escrita e mais as actividades de reforzo propostas estarán referidas ós mínimos dos criterios de avaliación de todas as unidades didácticas traballadas durante todo o curso. A nota da materia calcularase de novo cos pesos de 80% e 20% descritos anteriormente.

En ambos casos a materia quedará superada cando a cualificación, redondeada á unidade, sexa igual ou superior a 5.

PROCEDIMENTO DE SEGUIMENTO, RECUPERACIÓN E AVALIACIÓN DAS MATERIAS PENDENTES

Este Departamento acorda que o alumnado con materias pendentes seguirá un programa de reforzo destinado a recuperar as aprendizaxes non adquiridas. Consistirá na realización e entrega dunha serie de actividades correspondentes ós contidos mínimos das materias non superadas. Ditas actividades serán facilitadas ó alumnado a partir do 18 de setembro de 2023, e teñen por finalidade axudar ó alumnado na preparación das probas escritas ás que deberán presentarse para superar a materia pendente. A súa entrega ó profesor en tempo e forma requeridos será **condición necesaria** para acadar unha cualificación positiva na materia. Realizaranse dúas probas escritas, unha en novembro e outra a finas de febreiro.

Poderanse dar os seguintes casos:

Caso1: Se o alumno ou alumna ten entregado as actividades de reforzo propostas no tempo e forma requerido, e a media aritmética ponderada das probas escritas (60% primeira proba e 40% segunda proba) é igual ou superior a 5, a materia pendente queda superada. Dita nota media é a que figurará no expediente académico do alumno na terceira avaliación e na final.

Caso2: Se a nota media de ambos é inferior a 5, ou ben, non ten entregadas no tempo e forma requeridas as actividades de reforzo propostas, o alumno ou alumna deberá realizar unha proba escrita global no mes de maio, na data que dispoña o centro educativo. Esta será a nota que apareza a efectos académicos e de expediente na terceira avaliación e na avaliación final.

No caso de non superar a materia poderá haber, para o alumnado que mostre interese, outra proba global no mes de xuño na data na que estableza o centro para poder superar a materia.

Casos excepcionais na avaliación final: As matemáticas son un área con carácter progresivo, polo tanto se un alumno ten varias materias pendentes no Departamento, e se dá a circunstancia de que consegue aprobar as correspondentes a un determinado nivel,

poñeráselle un 5 na avaliación final das materias pendentes de niveis inferiores, independentemente dos resultados do seguemento do previamente descrito programa de reforzo (exames incluídos), e das cualificacións académicas que xa figuren no expediente do alumno en avaliacións anteriores. Do mesmo xeito, como consecuencia destas observacións, se un alumno aproba na avaliación final as matemáticas do curso presente no que está matriculado, automaticamente obterá un 5 na avaliación final de todas as materias pendentes.